

(3) RUNYANKORE/RUKIGA LEAFLET ON GOD’S PROMISES

ABAISEMWE BA YESU

EBIKURU NAMAZIMA GA BAIBULI

ENDAGAANO ZA RUHANGA

OMUBIRO EBYA, HATI, NOMUMAISHO.

Kworaheze kushoma akatabo aka noza kumanya okugarukwamu bw’ebibuzo ebi:-

1. Endagaano nizo ezi Ruhanga yaganise omu Baibuli?
2. Endagaano ezi Ruhanga yahikirize niziha?
3. Nitumanya tuta ngu Ruhanga naija kuhikiriza Endagaano ze?
4. Endagaano ezi Ruhanga atahikirize niziha?
5. Ruhanga yakozire Endagaano naiwe?

Abantu twena turareebire endagaano ezirikurwa kwonka bwanyima zikashenywa. Endagaano ezo zibaasa kuba zakozirwe aba eby’obutegyeki barikuronda okutererwa obururu. Ninkye ahandagaano ezi ezirikuhirizibwa. Obundi abakozesa, nari bagyenzi baitu, tibahikiriza endagaano ezibakuba baturaganise. Ekirikushasha munonga omuri byona, nobu abanyabuzare barikutuhemukaho.

Ruhanga asiimwe, ahakuba we tarikutwaza atyo. “Aijwire embabazi n’amazima” (Okuruga 34:6) Aryaija kuhamya endagaano ze. Ahakuba namanya byona kandi nategyeka ensi yoona, n’endagaano tizirikuremwa obutahikirira.

1. ENDAGAANO NIZO ZIHA EZI RUHANGA YAGANISE OMU BAIBULI?

Ruhanga akaraganisa Endagaano nyingi. Nituza kugambaho nkye ahari ezo: Ahari Musa, Ruhanga akagira ati: “Kwonka ninyerahira nti, ensi yoona erijura ekitiinisa kya Mukama” (Okubara 14:21). Eki nikihamya ngu abantu taribaasa kuhwerekyereza ensi.

Ahari Abram (Bwanyima Abrahamu) owahindukire Ishenkuru weihanga rya Bayudaya, Ruhanga akagira ngu, “ndyakuhindura eihanga rihango, kandi ndyakuha omugisha, ndangaanise eiziina ryawe, naiwe oryahaisa abandi omugisha; dyaha omugisha abarikushabira omugisha, norikukyeena ndyamukyeena, kandi omuri iwe enganda zoonza ez’omunsi nimwo zirihererwa omugisha” (Okutandiika 12:2,3).

Ruhanga kuyatwire – Abrahamu Kanaani (Israeli eya hati), akamuraganisa ngu, “ensi yoona ei orikureeba ndyagikuha, ebe eyaawe kandi n’eya baijukuru bawe okuhitsya ebiro byona. Kandi oruzaaro rwawe ndyarukanyisa rube nk’omucuucu gw’ahansi,” (Okutandiika 13:15,16). Ruhanga akeyongyera kuraganisa endagaano ezi nahari Isaaka mutabani wa Abrahamu, nahari Yakobo, omwijukuru (Okutandiika 26:4,28:13,14).

Amahanga amaingi, nkeya Babulooni ababire baine amaani omuntaro, tigakibaho. Kwonka Ruhanga akaragana endagaano y’omutano ahi eihanga rya Buyudaya. “Ahabw’okuba ndi hamwe naiwe kukujuna. Ndyamariraho kimwe amahanga goona, agunakutaataanisiizemu, kwonka iwe tindikumariraho kimwe...” (Yeremia 30:11)

Abayudaya bakataataanisibwa omunsi yoona kwonka bakiriho nk’eihanga. Omushaija akabuza ati, “Nkihama ki akiri omu Bayudaya abatarikuhwerekyezibwa? Ekihama kiri ngu, abayudaya n’abantu abatorainwe Ruhanga kandi nibakareebi be omu nsi. Ruhanga abainire entekateeka mpango. Nitwija kweyongyera kubeegaho bwanyima.

Omugabe Daudi akaba ari Omugabe wa Israeli owamaani, omuntu owabaire asherura ebi omutima gwa Ruhanga gurikwenda (I Samueli 13:14). Ahabwenki, Ruhanga akaraganisa Daudi endagaano y’okutangaza arikugira ati, “ ndyayemeka omwana wawe ou oryezaarira,..... kandi mpamye Obugabe

bwe ,....kandi mpamye obugabe bwe,... kandi ndyahamya ekitebe ky'obugabe bwe ebiro byona. Ndyaba ishe, nawe abe omwana wangye. Enju yaawe, n'obugabe bwawe biryahanibwa ebiro byona. Ekitebe ky'Obugabe bwawe kiriyaba eky'ebiro byona". (2 Samueli 7:12-16).

Omutume Petero natugambira ngu endagaano ezi ziyahikirizibwa omuri Yesu Kristo. N'Omwana wa Ruhanga, kandi omujuni w'ensi yona. Nimwijukuru wa Daudi. Daudi akamanya ku Ruhanga yamurahiriire endagaano, kandi ku arita omwe ahabajukuru ahangoma, (Ebyakozirwe Entumwa 2:29-32).

Yesu akazorwa omubafu, nkoku Ruhanga yagambire omu Zabuli 16:10 Eizooba rimwe aryagaruka kuba Omugabe ahantebe ya Daudi omuri Yerusalamu, (Ebyakozirwe 1:11 , Okushururuurwa 11:15, Matayo 5:35). Ruhanga akaraganisa ngu "Abagabe boona baryagwa, bajuumare omumaisho ge, namahanga goona gamuheereze (Zaburi 72:11).

Ruhanga akahamiza Mariamu nyina wa Yesu, endagaano ezirikukwata aha mwana we arikurabira omuri Malaika. "Mukama Ruhanga aryamuta ahakitebe ky'Obugabe bwe Ishenkuru Daudi kandi obukama bwe tiburihwaho" (Luka 1:32:33). Ruhanga akaragana endagaano nyingi omu Baibuli, ezitwarebaho nizimara okutworeka ku Ruhanga arikufeyo ahantekateeka ze ez'omubiro by'omumaisho, ez'ensi, Abrahamu, Isaaka, Yakobo, Daudi, Yesu hamwe nabayudaya.

2. ENDAGAANO EZI RUHANGA YAHIKIRIZE NIZIHA?

Endagaano ya Ruhanga ahari Abrahamu, Isaaka, na Yakobo, ngu Israeli eryahinduka eihanga rihango, ekahikirizibwa. Ruhanga akahamya endagaano ye ahabwabuyudaya abuyaraganise ngu tibarihwaho n'obubarihinganisibwa. Yesu Kristo ahahimburwa kuruga omu bafu, nk'oku Ruhanga yaraganise. Hakiriyo endagaano nkuru nyingi ezi Ruhanga atakahikirize.

3. **NITUMANYA TUTA NGU RUHANGA NAIJA KUHIKIRIZA ENDAGAANO ZE?**

Abrahamu takahungwire eitaka omu Israeli kuba erye ebiro byona. Nangwa namahanga goona omunsi tigaketerirwe ag’omugisha omuri Abrahamu.

Abaheburayo 11:13 nitureeba ngu Abrahamu, Isaaka, na Yakobo boona “bakafa kabiri omukwikiriza, batakahairwe ebi baraganisibwe” Omugisha ogu gwabarabireho? Ngaha. Ruhanga naza kubazora kuruga omubafu nk’oku yazoire Yesu. Naaba yahikiriza ekiyabaraganise. Yesu we wenka akagira ngu Abrahamu, Isaaka na Yakobo nibaija kuba bari omu Bukama bwa Ruhanga (Luka 13:28).

Yesu takashutamire ahakitebe kya Daudi nk’Omugabe kwonka naija kumuba kwaragaruke omunsi (Ebyakozirwe 3:19-21). Abayudaya bakiriho nk’eihanga. Bakagaruka omu Israeli, ensi ei Ruhanga yaraganise Abrahamu. Egi niyo ntandikiro yentekateeka ya Ruhanga aharibo, ahakuba owataatanise Israeli niwe arimutaruura, akamurinda nk’oku omuriisa arinda obusyo bwe”. (Yeremia 31:10).

Bwanyima y’okugyezibwa, Abayudaya baryatunga omugisha ogu Ruhanga yabaraganise. “Baryaba abantu bangye, nanye mbe Ruhanga wabo” Omubiro ebyo, Omugabe omwe (Yesu) aryaba Omugabe wabo boona (Ezekeieli 37:22,23).

5. **RUHANGA YAKOZIRE ENDAGAANO NAIWE?**

Eego – kwonka waba oyetekateekire kuhikiriza ebintu ebikuru ebi bibiri:

- (a) Oyikirize amakuru marungi g’obukama bwa Ruhanga kandi obatizibwe (Mako 16:16).
- (b) Okunde Yesu Kristo kandi oyorobere ebiragiro bye (Yohaana 14:21) Wakora ebi, Ruhanga naba yakuraganisa ki? Omugabo omu ndagaano zoonza ezi waheza kushoma. Ahakuba, “tihaakiriho Muyudaya nari Omuguriika, nobu yaakuba omuhuuku nari ow’obusingye, n’obu yakuba omushajja nari omukazi, ahakuba mwena muri bamwe omuri Kristo

Yesu, (Abagalatia 3:28). Kitekatekeho! Ruhanga akaragana ngu nobaasa kuzorwa kuruga omukufa. Nobaasa kwetungira amagara agatahwaho. Nobaasa kuba ohurire ebiro byona na Yesu omubukama bwe. Tihariho endagaano erikukira ahari ezi eziriba zikuraganisibwe.

Ahakuba abaikiriza abamazima, amagara gabo hati nikwo kushemererwa kuhango. Endagaano ezi nez'omuhendo nizireta obusingye omumagara. Amatsiko tugaine “nk'ekitsibo kyamagara, namatsiko agahamire kandi agatarikunyiganyigibwa” (Abaheburayo 6:19). Ruhanga nakweta kw'otunga Omugabo omu ndagaano eziyakutekateekire. Okutunga Omugisha ugu, notekwa “kutina Ruhanga, n'okworebera ebiragiro bye, ahakuba ekyo kyonka nikyo omuntu ashemereire kukora; Omuburizi 12:13. Kora ekyo kandi ahabwembabazi za Ruhanga noija kuba ohurire ebiro byona. Egyo niyo ndagaano.

Waba noyenda okumanya ebirikukiraho:

Buza abaishemwe ba Yesu abakuri haihi ninga handiikira
Christadelphian Bible Mission,
C/O 404 SHAFTMOOR LANE,
BIRMINGHAM B28 8SZ, UK.

OR

Cbm Uganda (western)
P.O. Box 885,
MBARARA – UGANDA.